

# ԱՄԵՆՕՐՅԱ ԱՂՈԹԱԳԻՐՔ

Ս. ԷԶՄԻԱԾԻՆ - 2011



ՕՐՆՆՈՒԹԵԱՄԲ

ՆՈՐԻՆ ՍՈՒՐԲ ՕԾՈՒԹԻՒՆ

**S. S. ԳԱՐԵԳԻՆ Բ**

ՍՐԲԱԶՆԱԳՈՅՆ ԵՒ ՎԵՆՎՓԱՌ-  
ԿԱԹՈՂԻԿՈՍԻ ԱՄԵՆԱՅՆ ՀԱՅՈՑ

*Քրիստոսի Տիեզերական Եկեղեցու բոլոր զավակների հետ միասնաբար այսօր՝ նոր հազարամյակի արշալույսին, աղոթենք առ Միածին Փրկիչը և հայցենք. «Լուսի՛ւ արա մեզ, Տէ՛ր, զձայն անբառոր հրեշտակին...» և հույսով, հավատով ու Սիրով պատկյալ Քո հարության լույս խորհուրդը հաստատիր մեր հոգիներում:*

*Գարեգին Բ  
Կաթողիկոս Ամենայն հայոց*

## ՏԵՐՈՒՆԱԿԱՆ ԱՂՈԹՔ

Օրինյալ Տեր մեր Հիսուս Քրիստոս. ամեն:

Հայր մեր, որ երկնքում ես,  
Սուրբ թող լինի քո անունը,  
Քո թագավորությունը թող գա.  
Քո կամքը թող լինի երկրի վրա,  
ինչպես որ երկնքում է:  
Մեր հանապազօրյա հացը  
տո՛ւր մեզ այսօր.

և ներիւր մեզ մեր հանցանքները,  
ինչպես որ մենք ենք ներում նրանց,  
որ հանցանք են գործում մեր դեմ.

և մի տար մեզ փորձության,  
այլ փրկի՛ր մեզ չարից,  
որովհետև քոնն է թագավորությունը  
և զորությունը  
և փառքը հավիտյանս.  
ամեն:

## ՆՐԱԺԱՐՎՄՔ

*Հրաժարվում ենք սատանայից և նրա  
բոլոր տեսակի խաբեություններից,  
նրա պատրանքներից, խորհուրդներից,  
ճանապարհներից, նրա չար կամքից,  
չար հրեշտակներից, չար գործակիցնե-  
րից, նրա չար կամքը կատարողներից և  
նրա ամբողջ չար գորությունից հրա-  
ժարելով հրաժարվում ենք:*

## ՆԱՎԱՏԱՄՔ

*Հավատում ենք մեկ Աստծուն, Ամե-  
նակալ Հորը, Արարչին երկնքի և  
երկրի, տեսանելիների և անտեսանելի-  
ների:*

*Եվ մեկ Տեր Հիսուս Քրիստոսի, Աստ-  
ծու Որդուն, ծնված Հայր Աստծուց.  
Միածին, այսինքն՝ Հոր հույությունից:*

Աստված՝ Աստծուց, լույս՝ լույսից, ճշմարիտ Աստված՝ ճշմարիտ Աստծուց, ծնունդ և ոչ արարած, նույն ինքը Հոր բնությունից, որով եղավ ամեն ինչ Երկնքում և երկրի վրա՝ տեսանելիներ և անտեսանելիներ:

Որ մեզ՝ մարդկանց համար և մեր փրկության համար, իջավ երկնքից՝ մարմնացավ, մարդացավ, կատարելապես Սուրբ Հոգով ծնվեց Սուրբ Կույս Մարիամից, որի միջոցով առավ մարմին, հոգի և միտք և այն ամենը ինչ կա մարդու մեջ, ճշմարտապես և ո՛չ կարծեցյալ:

Չարչարվեց, խաչվեց, թաղվեց, երրորդ օրը հարություն առավ, նույն մարմնով բարձրացավ երկինք և նստեց Հոր աջ կողմում:

Պիտի գա նույն մարմնով և Հոր փառքով՝ դատելու կենդանիներին և մեռածներին, որի թագավորությունը վախճան չունի:

Հավատում ենք նաև Սուրբ Հոգուն, անստեղծ և կատարյալ, որ խոսեց Օրենքի, մարգարեների և Ավետարանների մեջ:

Որն իջավ Հորդանան (գետում) քարոզեց առաքյալներին և բնակվեց սուրբերի մեջ:

Հավատում ենք Միակ Ընդհանրական և Առաքելական Սուրբ Եկեղեցուն: Մեկ մկրտության, ապաշխարության, մեղքերի քավության և թողության, մեռելների հարության, հոգիների և մարմինների հավիտենական դատաստանին, Երկնքի թագավորության և հավիտենական կյանքին:

## ԱՌԱՎՈՏՅԱՆ ԱՂՈԹՔ

Տե՛ր, եթե շրթներս բացես, բերանն իմ կերգի օրհնությունը քո (Սաղմոս 50, 17):

Գոհանում եմ Քեզանից, ո՛վ Տեր իմ և Աստված իմ, և օրհնում ու փառավորում Քո սուրբ անունը, որ պահեցիր այս գիշեր Քո անարժան ու մեղավոր ծառային բոլոր վտանգներից ու փորձություններից՝ խաղաղությամբ հասցնելով առավոտյան այս ժամին: Եւ արժանացրիր տեսնելու Քո ողորմության լույսը: Ամեն:

## ԵՐԵՒԱՆԵՐԻ ԱՂՈԹՔ

Ո՛վ մեծ Աստված, որ տվել ես մեզ բարի հայր և սիրող մայր, տո՛ւր մեզ շնորհք, անենք աղոթք, չլինենք անհոգ, ապրենք խելոք, պարկեշտ ու հեզ ու սիրենք Քեզ: Ամեն:

## ԳՈՐԾ ՍԿՍԵԼՈՒՅ ԱՌԱՋ

Ուղղի՛ր մեր ձեռքի գործերը, Տե՛ր, մեր ձեռքի գործերը հաջողեցրո՛ւ մեզ: Ամեն:

## ԴԱՍ ՍԿՍԵԼՈՒՅ ԱՌԱՋ

Հոր իմաստություն՝ Հիսուս, Տո՛ւր ինձ իմաստություն, Որ ամեն ժամ Քո առաջ խորհեմ, խոսեմ և գործեմ բարին եվ փրկիր ինձ Չար խոհերից, խոսքերից և գործերից. եվ ողորմի՛ր Քո արարածներին եվ ինձ՝ բազմամեղիս:

## ՆԵՂՈՒԹՅԱՆ ԺԱՄԻՆ

Օգնի՛ր մեզ, Տե՛ր, օգնի՛ր մեզ, մեր փրկիչ Աստվա՛ծ, Քո մեծ և փառավոր անվան համար. Տե՛ր, փրկի՛ր մեզ և քավի՛ր մեր մեղքերը Քո սուրբ անվան

Համար: Պարսպյալ պահի՛ր Քեզ ապա-  
վինած և հուսացած ժողովրդին սուրբ  
և պատվական խաչի հովանու ներ-  
քո՝ խաղաղությամբ: Փրկի՛ր երեկելի և  
աներևույթ թշնամուց: Արժանի արա  
գոհությամբ փառավորել Քեզ՝ Հոր և  
Սուրբ Հոգու հետ, այժմ և միշտ և հա-  
վիտյանս հավիտենից. ամեն:

**ԱՆՀԱՆԳՍՏՈՒԹՅԱՆ  
ԵՎ ՎՏԱՆԳԻ ԴԵՊՔՈՒՄ**

**Խ**նամող արարածների,  
Խաչիդ նշանով  
Պահպանի՛ր հոգիս և մարմինս  
Մեղքերի պատրանքներից,  
Դևերի փորձություններից,  
Անիրավ մարդկանցից  
Եվ բոլոր վտանգներից հոգու  
և մարմնի,

Եվ ողորմի՛ր Քո արարածներին  
Եվ ինձ՝ բազմամեղիս:

**ՆԻՎԱՆԴՈՒԹՅԱՆ ԺԱՄԱՆԱԿ**

**Ե**՛կ, Տեր, ի տեսություն իմ հիվան-  
դացյալ հոգուն, դի՛ր Քո ձեռքը  
իմ վրա և բժշկի՛ր՝ ասելով. «Զորացի՛ր,  
վերցրո՛ւ քո մահիճը և գնա՛ կյանքի  
արդարություն ճանապարհով». ամեն:

Տե՛ր Աստված մեր, Քո ժողովրդից  
փարատի՛ր ցավերը և բժշկի՛ր հիվան-  
դությունները, և շնորհի՛ր բոլորին  
կատարյալ առողջություն Քո ամենա-  
հաղթ Խաչի նշանով, որով մարդկանց  
տկարությունները Քո վրա վերցրիր և  
դատապարտեցիր կյանքի ու փրկութ-  
յան թշնամուն:

Դու ես մեր կյանքը և փրկությունը,  
բարերար և բազումողո՛րմ Աստված, և

միա՛յն Դու ես կարող մեր մեղքերը նե-  
րել և մեր ցավերն ու հիվանդութիւն-  
ները վանել մեզանից, որովհետեւ Քեզ  
հայտնի են մեր կարիքները:

Քարիքների պարգևող, պարգևի՛ր Քո  
առատ ողորմութիւնները Քո արարած-  
ներին՝ յուրաքանչյուրի կարիքների  
համաձայն, որոնք միշտ փառավորում  
և օրհնաբանում են Քեզ՝ Ամենասուրբ  
Երրորդութիւնդ, այժմ և միշտ և հա-  
վիտյանս հավիտենից. ամեն:

### ԱՊԱՎԻՆՈՒԹՅՈՒՆ ԽԱՉԻՆ

Քո խաչը թող մեզ ապավեն լինի,  
Քե՛ր Հիսուս, երբ որ երևաս Հոր  
փառքով՝ լուսավոր ամպերի մեջ, այն  
ժամանակ մենք չամաչենք՝ քե՛զ հու-  
սացողներս, այլ քո մեծ զորութեամբ

ուրախանանք քո աջ կողմում՝ իբրև  
լույսի և ցերեկի որդիներ:

### ՆԱՅ ՈՒՏԵԼՈՒՅ ԱՌԱՋ

Ճաշակենք խաղաղութեամբ այս կե-  
տրակուրները, որոնք մեզ համար  
պատրաստված են Տիրոջ կողմից: Օրհն-  
յա՛լ է Տերն իր պարգևներում: Ամեն:

\*\*\*

Օրհնյալ ես, ո՛վ Տեր Աստված մեր,  
որ կերակրում ես մեզ մանկութիւնից  
սկսած և կերակուր ես շնորհում բոլոր  
մարմնավորներին: Մեր սրտերն ու-  
րախութեամբ ու բերկրանքով լցրու,  
որպեսզի լիանանք՝ բազմապատկելու  
բարի գործերն ի Հիսուս Քրիստոս՝ ի  
Տեր մեր: Որին վայել է փառք, իշխա-  
նութիւն և պատիվ այժմ և միշտ և հա-  
վիտյանս հավիտենից. ամեն:

## ՃԱՇԻՑ ՆԵՏՈ

**Փ**ա՛ռք տիեզերքի կերակրողին, որ մեզ կերակրեց և լիացրեց: Նրան փառք հավիտյանս: Ամեն:

\*\*\*

Փա՛ռք Քեզ, ո՛վ Տեր, փառք Քեզ, փառա՛ց Թագավոր, որ տվեցիր մեզ ուրախության կերակուր և Քո ամենաբավ ողորմության լիությամբ լցրիր մեր սրտերը: Այժմ լցրու մեզ նաև Քո Սուրբ Հոգով, որպեսզի Քո առաջ ընդունելի լինենք և ոչ՝ ամոթահար, քանզի Դու յուրաքանչյուրին հատուցում ես ըստ իր գործերի: Ամեն:

## ՃԱՆԱՊԱՐՏ ԳՆԱԼՈՒՅ ԱՌԱՋ

**Տ**ե՛ր, ուղղի՛ր մեր ընթացքը խաղաղությունյան ճանապարհներով: Տե՛ր, ուղղի՛ր և առաջնորդի՛ր մեր հոգիներ-

ըր և բոլոր հավատացյալներին գնալ արդարության ճանապարհով դեպի հավիտենական կյանք: Ամեն:

\*\*\*

Տե՛ր, երբ ճանապարհ ընկնեմ, ինձ մի՛ թող մենակ, այլ առաքի՛ր իմ առջևից Քո օգնականությունը՝ օր ու գիշեր պահելով ինձ սատանայի բոլոր փորձություններից, և իմ անկայուն մտքին մի՛ թող մեղանչել, այլ լալ ու սգալ իմ մեղքերի համար: Ամեն:

## ԵԿԵՂԵՅԻ ՄՏՆԵԼԻՍ

**Տ**աճա՛ր Աստծո և բնակարա՛ն Սուրբ Հոգու, որ քեզանից՝ սուրբ Ավագանով, կանչեց որդեգրվելու երկնավոր Հորը: Այսօր քո մեջ կամեցավ պատարագվել անարատ Գառը: Եվ ես եկա Քո դռների առաջ և աղաչում եմ



Քեզ. մաքրի՛ր ինձ վերստին լվացմամբ  
և սրբի՛ր մեղքերից և արժանի արա՛  
մտնելու սուրբ Սեղանիդ առաջ երկր-  
պագելու: Ամեն:

### ՈՒԽՏԱՎՈՐԻ ԱՂՈԹՔ

Բարերար և բազումողո՛րմ Աստված,  
Քո առաջ ընկած աղաչում ենք  
ամբողջ սրտով և գթություն խնդրում  
Քեզանից: Ինչպես խոստացար ծառա-  
ներիդ և ասացիր՝ այն ամենն, ինչ Հո-  
րից հավատով խնդրեք հանուն Որդու,  
կտրվի ձեզ, շնորհի՛ր և այժմ հավատա-  
ցյալներիս և կատարի՛ր մեր խնդրանք-  
ները, քանզի Քեզ ենք ապավինել: Եվ  
Քո առատ ողորմությամբ մխիթարի՛ր  
մեզ այս կյանքում և առաջնորդելով  
հասցրու երկնքի անձառ արքայու-  
թյունդ՝ ի փառաբանություն և ի պա-

տիվ ամենասուրբ Երրորդությանդ,  
այժմ և միշտ և հավիտյանս հավիտե-  
նից. ամեն:

### ՈՒԽՏԱՎԱՅՐՈՒՄ ԱՍՎՈՂ ԱՂՈԹՔ

Շնորհակալութի՛ւն Քեզ, ո՛վ Տեր, որ  
ինձ առաջնորդեցիր և ողջ-առողջ  
հասցրիր այստեղ և արժանի դարձրիր  
Քո ներկայությունը վայելելու: Ընդու-  
նի՛ր ինձ, Տե՛ր: Ընդունիր նաև սրտիցս  
ու հոգուցս բխող մաղթանքները, եթե  
նրանք ամենագետ Արարչիդ կամքի  
համաձայն են: Շնորհի՛ր, որ ամբողջ  
կյանքս, խոսքերս ու գործերս Քեզ ըն-  
ծայված անուշահոտ խունկ և ընդու-  
նելի հոգևոր ընծաներ լինեն, որպեսզի  
իմ խոնարհ կյանքով երգաբանողն ու  
փառաբանողը դառնամ Քո սուրբ ան-  
վան՝ այժմ և հավիտյանս հավիտենից:  
Ամեն:

## ԵԿԵՂԵՅՈՒՅ ԴՈՒՐՍ ԳԱԼԻՍ

**Թ**ագափո՛ր երկնավոր, Քո եկեղեցին անշա՛րժ պահիր և Քո անվան երկրպագողներին պահի՛ր խաղաղության մեջ: Ամեն:

Տե՛ր Աստված մեր, ապրեցրո՛ւ քո այս ժողովրդին և օրհնի՛ր Քո այս ժառանգներին, Քո եկեղեցու միասնությունը պահպանի՛ր, մաքրի՛ր նրանց, ովքեր ողջունեցին սիրով Քո տան վայելչությունը: Դու մեզ փառավորի՛ր աստվածային Քո զորությունքով և մի՛լքիր նրանց, ովքեր հուսացել են Քեզ: Ամեն:

## ՔՆԵԼՈՒՅ ԱՌԱՋ

**Բ**ողորի պահապան Քրիստոս. Թող Քո Աջը հովանի լինի ինձ վրա. գիշեր և ցերեկ, տանը նստելիս, ճամփա գնալիս, քնած թե արթուն, որպես-

զի երբեք չսասանվեմ. և ողորմի՛ր Քո արարածներին և ինձ՝ բազմամեղիս: Ամեն:

\*\*\*

Տե՛ր իմ Աստված, Տե՛ր բարերար, Դու պահպանի՛ր ինձ այս գիշեր. տո՛ւր հորս ու մորս կյանք երկար և երջանիկ հանգիստ օրեր:

Քո սուրբ հրեշտակը մեր մոտից թող չհեռանա ամենևին, այլ մեզ պահի փորձանքներից ու արթնացնի զվարթագին: Ամեն:

## ԱՊԱՇԽԱՐՈՒԹՅԱՆ ԱՂՈԹՔ

(Սաղմոս 6)

**Տ**ե՛ր, զայրույթով քո մի՛ հանդիմանիր ինձ և քո բարկությունքով ինձ մի՛խրատիր:

Ողորմի՛ր ինձ, Տե՛ր, քանզի հիվանդ եմ ես, բժշկի՛ր ինձ, քանզի ոսկորներս խախտվել են:

Անձն իմ հույժ խռոված է, և դու, Տե՛ր, մինչև ե՞րբ:

Դարձի՛ր, Տե՛ր, փրկի՛ր ինձ, ազատի՛ր ինձ, Տե՛ր, քո ողորմությամբ, քանզի չկա մեկը, որ մահվան մեջ հիշի քեզ, կամ դժոխքում գոհանա քեզանից:

Ես հոգնեցի իմ հառաչանքներից, ամեն գիշեր հեծեծանքով լվացի մահիճն իմ և իմ արտասուքով անկողինս թրջեցի:

Սրտնեղությունից այլայլվեց աչքն իմ, ես հյուժվեցի բոլոր թշնամիներիս ձեռքից:

Հեռացե՛ք ինձնից ամենքդ, որ անօրենություն եք գործում:

Տերը լսեց իմ լացի ձայնը, Տերն ա կանջ դրեց իմ աղոթքներին, Տերն ընդունեց իմ խնդրանքները:

Բոլոր թշնամիներս թող ամաչեն ու խիստ խռովվեն, թող ետ դառնան և իսկույն խիստ ամաչեն ու զարհուրեն:

\*\*\*

Բարերա՛ր Տեր, ողորմությամբդ Բնայի՛ր Քեզ երկրպագողիս և Քո սուրբ անունը փառաբանողիս: Տե՛ր զորությանց, հանդարտեցրո՛ւ մեզ սատանայական բոլոր խռովություններից և աշխարհիկ հոգսերից: Առաքի՛ր Քո խաղաղության հրեշտակին, որ մեզ անխռով պահի գիշեր ու ցերեկ, քնած և արթուն ժամանակ: Որպեսզի բարեպաշտությամբ և արժանավորապես Քեզ՝ Տիրոջդ ծառայելով այս կյանքում՝ ժամանենք երկնքի հավիտե-

նական արքայությունը, որ աշխարհի ստեղծման սկզբից պատրաստեցիր Քո սրբերի համար: Եվ նրանց հետ գոհանալով փառավորենք Հորը, Որդուն և Սուրբ Հոգուն այժմ և միշտ և հավիտյանս հավիտենից. ամեն:

### ԱՂՈԹՔ ԸՆԴԴԵՄ

ՓՈՐՁՈՒԹՅՈՒՆՆԵՐԻ (Սաղմոս 42)

**Ո**ւտի՛ր ինձ, Աստված, և դատաստանիս ժամին արդարացրո՛ւ ինձ:

Անսուրբ ազգից, մեղսագործ ու նենգ մարդուց փրկի՛ր ինձ:

Դու ինձ ուժ տվողն ես, Աստված, ինչո՞ւ ինձ մոռացար, ինչո՞ւ տխուր լինեմ, երբ թշնամիս ինձ հալածի:

Առաքի՛ր, Տե՛ր, քո լույսն ու ճշմարտությունը, որ ինձ առաջնորդեն և հասցնեն քո սուրբ լեռն ու օթևանը:

Ես կմոտենամ Աստծու սեղանին, Աստծուն, որ երջանկացնում է իմ երիտասարդությունը:

Գոհություն կմատուցեմ քեզ օրհներգերով, Աստված, Աստված իմ:

Արդ, ինչո՞ւ ես տրտմում, հոգի՛ իմ, կամ ինչո՞ւ ես ինձ խռովեցնում, հույսդ դի՛ր Աստծու վրա, օրհներգի՛ր նրան, նա իմ փրկիչ Աստվածն է:

### ԱՂՈԹՔ Ս. ԳՐԷԻ

ԸՆԹԵՐՅՈՒՄԻՅ ԱՌԱՋ

**Տ**ե՛ր Հիսուս Քրիստոս, բա՛ց իմ սրտի Տաչքերն ու ականջները, որպեսզի լսեմ Քո կամքը: Հավատում եմ, Տե՛ր, որ կլուսավորես իմ սիրտը, որովհետև Դու ողորմած Աստված ես: Եվ Քեզ փա՛ռք հավիտյանս: Ամեն:

ԱՂՈԹՔ Ս. ՆԱՂՈՐԴՈՒԹՅՈՒՆ  
ՍՏԱՆԱԼՈՒՅ ԱՌԱՋ ԵՎ ՆԵՏՈ

Պարգևի՛չ ողորմության, պարգևի՛ր  
ինձ ուղղափառ հավատով, բարի  
գործերով և Քո սուրբ Մարմնի և Ար-  
յան հաղորդությամբ գալ Քեզ մոտ:

\*\*\*

Գոհանում եմք Քեզնից, Քրիստոս  
Թագավո՛ր մեր, որ կենարար Մարմ-  
նովդ և սուրբ Արյունովդ մեզ կենդա-  
նություն պարգևեցիր: Ամեն:

Սաղմոս 22

Տերն իմ հովիվն է, և ինձ ոչինչ չի  
պակասի:

Դալար վայրերում նա ինձ բնակեց-  
րեց և հանդարտ ջրերի մոտ ինձ սնու-  
ցեց:

Նա կենդանացրեց ինձ, հանուն իր  
անվան առաջնորդեց ինձ արդարութ-  
յան ճանապարհներով:

Եթե նույնիսկ անցնեմ մահվան  
ստվերների միջով, չեմ վախենա չարից,  
քանզի դու, Տե՛ր, ինձ հետ ես:

Քո ցուպն ու գավազանն ինձ կմխի-  
թարեն:

Իմ առջև սեղան պատրաստեցիր՝ հա-  
լածիչներին աչքերի դիմաց:

Գլուխս յուղով օծեցիր, և քո բաժակն  
ինձ արբեցրեց անխառն գինու պես:

Ողորմությունը քո, Տե՛ր, պիտի հե-  
տևի ինձ կյանքիս բոլոր օրերին, երկար  
օրեր ես Տիրոջ տանը պիտի բնակվեմ:



## ԶՂՋՈՒՄՆ

Մեղայ Ամենասուրբ Երրորդութեան՝  
Հօր և Որդւոյ և Հոգւոյն Սրբոյ: Մե-  
ղուցեալ եմ Աստուծոյ: Խոստովանիմ  
առաջի Աստուծոյ և սրբուհւոյ Աստու-  
ածածնին և առաջի քո, հայր սուրբ,  
զամենայն մեղս, զոր գործեալ եմ: Քան-  
զի մեղայ խորհրդով, բանիւ և գործով,  
կամայ և ալկամայ, գիտութեամբ և  
անգիտութեամբ: Մեղայ Աստուծոյ:

Մեղայ հոգւովս և զօրութեամբ սորա,  
մտօքս և շարժմամբ սորա, մարմ-  
նովս և զգայութեամբ սորա: Մեղայ  
զօրութեամբ հոգւոյս՝ խորամանկու-  
թեամբ, անզգամութեամբ, յանդգ-  
նութեամբ և երկչոտութեամբ, շռայ-  
լութեամբ և ժլատութեամբ, զեղխու-  
թեամբ և անիրաւութեամբ, չարահա-

ւանութեամբ, յուսահատութեամբ և  
թերամտութեամբ: Մեղայ Աստուծոյ:

Մեղայ չար խորհրդով մտացս՝ նեն-  
գութեամբ, ատելութեամբ, խեթիւ,  
մախանօք, յաչաղանօք, թուլութեամբ,  
պոռնկական խորհրդով՝ արուական,  
իգական, անասնական, գրաստական,  
զազանական, ի գիշերի և ի տուրնջեան  
երազական գիջութեամբ և անրջական  
գարշ աղտեղութեամբ: Մեղայ Աստուծոյ:

Մեղայ ցանկութեամբ մարմնոյս՝ հեշ-  
տութեամբ, պղերգութեամբ, յօ-  
րանջմամբ քնոյ, շարժութեամբ մարմ-  
նոյս և զազրագործութեամբ ի պէս-պէս  
ախտս, հեշտալրութեամբ լսելեացս,  
արատութեամբ աչացս, ցանկութեամբ  
սրտիս, իգութեամբ ոնգացս, պագշո-  
տութեամբ բերանոյս, անժուժկալու-

թեամբ, շուայտութեամբ և արբեցութեամբ: Մեղայ Աստուծոյ:

Մեղայ չարաբանութեամբ լեզուիս՝ ստախօսութեամբ, սուտ երդմամբ, երդմնազանցութեամբ, հակառակութեամբ, վիճաբանութեամբ, բանսարկութեամբ, շոգմոզութեամբ, քսու, դատարկաբանութեամբ և ծաղու, զրախօսութեամբ, հերձախօսութեամբ և անիծաբանութեամբ, տրտնջելով, դժգոհելով, բամբասելով և հայհոյելով: Մեղայ Աստուծոյ:

Մեղայ գողութեամբ ձեռացս, ազահելով, զրկելով, հարկանելով, սպանանելով և ընդ գարշս ածելով: Մեղայ Աստուծոյ:

Մեղայ ամենայն յօդուածովք շինուածոյս և ամենայն անդամօք մարմ-

նոյս, հնգեակ զգայարանօքս և վեցեկի շարժմամբս՝ վերամբարձ ոտնահարութեամբ և վայրաքարշ մեղկութեամբ, յաջ և յահեակ խոտորելով, զառաջնոցն մեղանչելով և վերջնոցն չար նշաւակ գորով: Մեղայ Աստուծոյ:

Այլ և մեղայ եօթնիցս յանցանօք մահացու մեղօք՝ հպարտութեամբ և մասամբք նորին, նախանձու և մասամբք նորին, բարկութեամբ և մասամբք նորին, ծուլութեամբ և մասամբք նորին, ազահուութեամբ և մասամբք նորին, որկրամոլութեամբ և մասամբք նորին, բղջախոհութեամբ և մասամբք նորին: Մեղայ Աստուծոյ:

Այլ և մեղայ ամենայն պատուիրանացն Աստուծոյ՝ յանձնառելեացն և հրաժարելեացն, զի ոչ գլխանձնա-

ուսկանան կատարեցի և ոչ ի հրաժարելեացն հեռացայ: Զօրէնս առի և յօրինացն հեղգացայ, ի կարգս քրիստոնէութեան հրաւիրեցայ և գործովս անարժան գտայ, գիտելով զչարն՝ կամաւ կորացայ և ի բարեաց գործոց ես ինձէն հեռացայ. վա՛յ ինձ, վա՛յ ինձ, վա՛յ ինձ: Զո՞րն ասեմ կամ զո՞րն խոստովանիմ, զի անթիւ են յանցանք իմ, անասելի են անօրէնութիւնք իմ, աններելի են ցաւք իմ, և անբժշկելի են վէրք իմ: Մեղայ Աստուծոյ:

Հա՛յր սուրբ, զքեզ ունիմ միջնորդ հաշտութեան և բարեխօս առ Միածին Որդին Աստուծոյ, զի իշխանութեամբդ, որ տուեալ է քեզ, արձակեսցես զիս ի կապից մեղաց իմոց, աղաչեմ զքեզ:

## ԲՈՎԱՆԴԱԿՈՒԹՅՈՒՆ

Տերունական աղոթք .....	4
Հրաժարիմք .....	5
Հավատո հանգանակ .....	5
Առավոտյան աղոթք .....	8
Երեխաների աղոթք .....	8
Գործ սկսելուց առաջ .....	9
Դաս սկսելուց առաջ .....	9
Նեղության ժամին .....	9
Անհանգստության և վտանգի դեպքում .....	10
Հիվանդության ժամանակ .....	11
Ապավինություն խաչին .....	12
Հաց ուտելուց առաջ .....	13
ճաշից հետո .....	14
ճանապարհ գնալուց առաջ .....	14
Եկեղեցի մտնելիս .....	15
Ուխտավորի աղոթք .....	16
Ուխտավայրում ասվող աղոթք .....	17
Եկեղեցուց դուրս գալիս .....	18
Քնելուց առաջ .....	18



Ապաշխարության աղոթք (Սաղմոս 6) .....	19
Աղոթք ընդդեմ փորձությունների (Սաղմոս 42).....	22
Աղոթք Ս. Գրքի ընթերցումից առաջ.....	23
Աղոթք Ս. Հաղորդություն ստանալուց առաջ և հետո .....	24
Սաղմոս 22 .....	24
Զղջում .....	26

---

*Հրատարակության պատրաստեց*  
*Տ. Ղևոնդ քին. Մայիլյանը*  
*Սրբագրիչ՝ Ս. Գրիգորյան*



ՄԱՅՐ ԱԹՈՒ Ս. ԷԶՄԻԱԾՆԻ ՏՊԱՐԱՆ